

Protokoll for årsmøtet i Hjelmeland Samfunnshus SA

Tid og stad: Heildigitalt årsmøte i perioden frå 02.07.2021 kl. 21:00 til 10.07.2021 kl. 21:00.

Deltakarar: Alle medlemmer har fått innkalling. 18 medlemmer deltok på årsmøtet.

Sak 01/2021: Godkjenning av innkalling og sakliste

I følge vedtektene til Hjelmeland Samfunnshus SA, skal årsmøtet haldast innan juni 2021, og det skal kallast inn minst éi veke før årsmøtet.

Samvirkelova er endra slik at styret kan avgjera møteforma. Styret har, som eit smitteførebyggande tiltak, vedtatt å halda årsmøtet digitalt. Sidan årsmøtet er digitalt, blir både innkalling, sakliste og høve for å stemma i dei ulike sakene sendt ut samtidig. Varigheita på det digitale årsmøtet er sett til åtte døgn.

Styret si tilråding: Innkallinga og saklista blir godkjende. Sjølv om årsmøtet blir halde i starten av juli, har det ingen praktisk betydning for drifta av Hjelmeland Samfunnshus SA. Sidan laget ikkje har rekneskapsplikt, er eit noko forseinka årsmøte heller ikkje i strid med samvirkelova.

Vedtak: Årsmøtet godkjenner innkalling og sakliste.
(17 stemmer for, 0 stemmer mot, 0 blanke stemmer)

Sak 02/2021: Godkjenning av kven som har stemmerett

Alle medlemmer med kjent mobilnummer har fått personleg innkalling til digitalt årsmøte.

Styret har dei siste åra brukt mykje tid på å rekonstruera medlemslista/oversyn over andelseigarar, ut frå Hjelmeland Samfunnshus SA sine historiske dokument. Dette arbeidet er framleis ikkje fullført, men me har aldri vore nærare å ha ei tilnærma komplett medlemsliste.

Styret si tilråding: Alle medlemmene med kjent mobilnummer har blitt kalla inn personleg til digitalt årsmøte, og har dermed stemmerett ifølgje vedtektene.

Vedtak: Alle som har fått personleg invitasjon, og deltek i årsmøtet, har stemmerett.
(18 stemmer for, 0 stemmer mot, 0 blanke stemmer)

Sak 03/2021: Godkjenning av årsmelding for 2020

Årsmeldinga for 2020 blei sendt ut som vedlegg til årsmøtet, og ligg i tillegg på nettstaden til Hjelmeland Samfunnshus SA (hjelmeland-samfunnshus.no).

Styret si tilråding: Styret meiner at årsmeldinga gjev eit korrekt bilete av Hjelmeland Samfunnshus SA sin aktivitet. På bakgrunn av dette meiner styret at det er grunnlag for vidare drift.

Vedtak: Årsmøtet godkjenner årsmeldinga for 2020.
(15 stemmer for, 0 stemmer mot, 0 blank stemme)

Sak 04/2021: Godkjenning av årsrekneskapen for 2020

Årsrekneskapen for 2020 blei sendt ut som vedlegg til årsmøtet, og ligg i tillegg på nettstaden til Hjelmeland Samfunnshus SA (hjelmeland-samfunnshus.no).

Driftsinntektene var 15 prosent lågare i 2020 enn i 2019, og driftskostnadane blei samtidig redusert med 22 prosent. Driftsresultatet i 2020 er dermed vesentleg betre enn i 2019. Likevel har me grunna koronapandemien opplevd eit stort bortfall av leigeinntekter, og som frivillig samvirkeføretak fell Hjelmeland Samfunnshus SA utanfor dei offentlege tilskotsordningane.

Rekneskapen for 2020 blir dermed gjort opp med eit negativt driftsresultat på kr 33.910,09, mot eit negativt driftsresultat på kr 91.050,70 i 2019. Styret merkar seg at rekneskapen hadde blitt gjort opp med enda større underskot utan driftstilskotet frå Hjelmeland kommune og samarbeidsavtalane me har med PT Installasjon AS, Aluhak Systems AS og Hjelmeland Sparebank.

Avskrivningar i 2020 utgjer kr 140.261,66, mot kr 120.376,88 i 2019.

Styret si tilråding: Styret meiner at årsrekneskapen gjev eit korrekt bilete av Hjelmeland Samfunnshus SA sin aktivitet, eigendelar og gjeld, finansielle stilling og resultat. På bakgrunn av dette meiner styret at det er grunnlag for vidare drift, men understrekar viktigheita av å halda fram arbeidet med å kutta driftskostnader og auka inntektene ved å skapa og leggja til rette for stadig meir aktivitet på Hjelmeland Samfunnshus.

Vedtak: Årsmøtet godkjenner rekneskapen for 2020, inkl. disponering av underskot ved overføring mot føretaket sin egenkapital.

(15 stemmer for, 0 stemmer mot, 0 blank stemme)

Sak 05/2021: Innspel til handlingsplan for komande arbeidsår

Styret bad om innspel og forslag til aktivitetar i handlingsplanen for 2021/2022.

Det blei ikkje lagt inn noko innspel til handlingsplanen.

Vedtak: Styret tar med seg innspela til handlingsplanen for 2021/2022 i det vidare arbeidet. (10 stemmer for, 0 stemmer mot, 5 blank stemme)

Sak 06/2021: Val av styre

Årsmøtet i 2020 valde følgjande styre:

- Leif Velde-Johannessen (styreleiar, 1 år)
- Edel Tausland og Ole Henrik Olsen (styremedlemmer, 2 år)
- Krister Seljeset og Oskar Ommundsen (varastyremedlemmer, 1 år)
- Marianne Hausken Olsen og Morten Hetland (ikkje på val, 1 år igjen av valperioden)

Styret si tilråding:

For at Hjelmeland Samfunnshus SA skal koma seg vidare etter koronapandemien, er det viktig med kontinuitet i styret, og at styremedlemmene kjenner til drifta av Hjelmeland Samfunnshus SA.

Vedtak:

- Styreleiar: Leif Velde-Johannessen (attval, 1 år)
 - Styremedlemmer: Marianne Hausken Olsen og Morten Hetland (attval, 2 år)
 - Styremedlemmer: Edel Gausland og Ole Henrik Olsen (ikkje på val, 1 år igjen av perioden)
 - Varastyremedlemmer: Krister Seljeset og Oskar Ommundsen (attval, 1 år)
- (15 stemmer for, 0 stemmer mot, 0 blank stemme)

Referent:



Morten Hetland